

**Namminersorlutik Oqartussat ingerlatseqatigiiffiini whistleblowerit pillugit
aaqqissuussinermik eqqusseqqullugit Naalakkersuisut peqquneqarnissaanik
Inatsisartut aalajangiiffigisassaattut siunnersuut.**

(Inatsisartunut ilaasortaq Steen Lyngé, Demokraatit)

Akissuteqaat

(Aningaasaqarnermut Nunanilu Avannarlerni suleqatigiinnermut Naalakkersuisoq)

Aappassaaneerinnineq

Aallarniutigalugu Inatsisinut Ataatsimiititaliap aalajangiiffigisassatut siunnersuutip isumaliutissiissummini sukumiisumik suliarineranut Naalakkersuisut sinnerlugit qujassuteqarfigissavara.

Siunnersuut akuerineqassasoq Inatsisinut Ataatsimiititaliap isumaqatigiittup isumaliutissiissummini inassutigigaa Naalakkersuisunit maluginiarneqarpoq. Naalakkersuisut suliaq tamanna aallartereermassuk aammalu suliaq tamatuma ingerlatiinnarneqarnissaa aktiaateqarlunilu ingerlatseqatigiiffinnut amerlanernut siammarterneqarnissaa ataatsimiititaliap isumaliutissiissummini pingaartippaa.

Tamanna tunngavigalugu ataatsimiititaliap inassuteqaataa Naalakkersuisunit tusaatissatut tiguneqarpoq, taamatullu oqaaseqarlutik siunnersuut Inatsisartunut suliassanngortillugu.